

Tumelo ea Abrahamama



SABATHA THAPAMA

Bakeng sa Thuto ea beke ena, Bala:

Gen. 15:6; 2 Samuele 11, 12; Ba-Roma 3:20, 31; 4:1–17; Ba-Gal. 3:21–23; 1 Johanne 3:4.

Temana ea Khopolo:

“Hleka joale re felisa molao ka tumelo na? Ho se ke ha thualo; re mpa re tiisa molao” (Ba-Roma 3:31).

Ka litsela tse ngata Ba-Roma 4 e kena motheong oa thuto ea Bible ea ho pholosoa ka tumelo feela le khubung ea se ileng sa qala Nchafatso. Kannete, lilemo tse 500 tse fetileng bekeng eona ena e ile ea qala ka Luther, ‘me Maprostanta a tšepahalang ha a e-so ka a hetla morao. Ka ho sebelisa Abrahamama—mohlala oa khalalelo le bokhabane—e le mohlala oa motho ea neng a hloka ho pholosoa ka mohau feela kante ho mesebetsi ea molao, Pauloseosi o ile a siea babali ba se na monyetla oa pherekano. Haeba mesebetsi e molemo ka ho fetisisa ea motho le ho boloka molao ha hae li ne li sa lekana ho mo bea ea lokileng kapele ho Molimo, motho e mong a ka ba le tšepo e fe? Haeba ho ile ha lokela hore e be ka mohau ho Abrahamama, ho lokela ho be joalo le ka e mong, ba-Juda le Balichaba. Ho Ba-Roma 4 Pauloseosi o senola mekhahlelo e meraro ea mantlha morerong oa pholoho: (1) tšepiso ea tlhohonolofatso e halalelang (tšepiso ea mohau), (2) karabelo ea motho ho tšepiso eo (karabelo ea tumelo), le (3) phatlalatso e leholimo ea ho loka ho ba lumelang (ho beoa ba lokileng). Ke kamoo e sebelitseng kateng ho Abrahamama, ‘me ke kamoo e sebetsang kateng le ho rona. Ho bohlokoa ho hopola hore ho Pauloseosi, pholoho e tla ka mohau; ke ntho eo re e fuoang, leha e sa re lokele ha kaalo. Haeba re ne re lokeloa. ‘Me ho libopuoa tse bolileng tse oeleng joalo ka rona, pholoho ke mpho. Ho netefatsa taba ena ea pholoho ka tumelo feela, Pauloseosi o khutlela morao koana bukeng ea Genese, o qotsa Genese 15:6—“Eaba [Abrame] o lumela Jehova, ‘me Jehova a ‘malla ho lumela ha hae hore ke ho loka.” Ho beoa ea lokileng ka tumelo ke hoo hee ho hlahella maqepheng a qalong haholo a Bible.

**Ithute thuto ea beke ena ho lokisetsa Sabatha sa la 4 Pulungoane.*

Molao

Bala Ba-Roma 3:31. Taba ea Pauloseosi ke e fe moo? Hobaneng ha taba ee e le bohlokoa ho rona re le Baleti?

Temaneng ena Pauloseosi o bolela ka matla hore tumelo ha e felise molao oa Molimo. Empa le ba neng ba boloka molao, le pokello eohle ea melao ea Testamente ea Khale, ha ba ka ba bolokoa ke eona. Borapeli ba Testamente ea Khale, joalo ka ba e Ncha, esale e le ba mohau oa Molimo o neoang baetsalibe ka tumelo.

Bala Ba-Roma 4:1–8. E bontša joang hore le Testamenteng ea Khale, pholoho e ne e tla ka tumelo e seng ka mesebetsi ea molao?

Ho latela polelo ena ea Testamente ea Khale, Abrahamana o ile a balloa hoba o lokile hobane a ile a “lumela Molimo.” Ka hona, Testamente ea Khale ka bo-eona e ruta ho loka ka tumelo. Ka baka leo, maikutlo a fe kapa a fe a hore tumelo e “felisa” (se-Gerike katargeo: “ho ho hlokisa thuso,” “ho hlokisa boleng”) molao ke a bohata; pholoho ka tumelo ke karolo ea Testamente ea Khale haholo-holo. Hohle kahare ho eona ho rutoa ka mohau. Litšebeliso tsohle tsa mahlabelo, mohlala, e ne e le eng ha e se sesupo sa kamoo baetsalibe ba pholosoang kateng, e seng ka mesebetsi ea bona empa ka lefu la se nkang sebaka sa bona? Hape, ke eng e ‘ngoe e ka hlalosa kamoo Davida a ileng a tšoareloa kamora likamano tse litšila le Bathsheba? Kannete ha a ka a bolokoa ke ho boloka molao, hobane o ile a roba lintlha tse ngata haholo tsa molao hoo o neng o mo ahlola lintlheng tse ngata. Haeba Davida a ne a lokela ho pholosoang ka molao, Davida o ne a se na ho bolokeha ho hang. Pauloseosi o hlalisa pusetso ea Davida kamohelong ea leholimo e le mohlala oa ho beoa ea lokileng ka tumelo. Tšoarelo e ne e le ketso ea mohau ea Molimo. Mona, hee, ke mohlala o mong oa Testamente ea Khale oa ho beoa ea lokileng ka tumelo. Hantle-ntle, ho sa natse na ba bangata Israeleng ba ne ba tsitlalletse molaong ha kae, borapeli ba se-Juda e ne e le borapeli ba mohau. Botsitlalleteli molaong e ne e le tšenyiso ea bona, e seng motheo oa bona.

Nka motsotso o se mokae u ke u nahane ka sebe sa Davida le tšoarelo ea hae (2 Samuele 11, 12; Pesaleme 51). Ke tšepo e fe eo u ka iphumelang eona ho tsoa paleng eo e bosula? Na ho na le thuto moo ea hore na re le kereke re lokela ho tšoa ba oeleng joang?

Mokitlane kapa Mohau?

Taba eo Pauloseosi a sebetsanang le eona mona hase feela taba ea thuto-molimo. E kena pelong le moeeng oa pholoho le oa kamano ea rona le Molimo. Haeba e mong a lekanya hore o lokela ho sebeletsa ho amoheloa—hore o lokela ho fihlela boemo bo itseng ba khalalelo pele a ka beoa ea lokileng ‘me a tšoarelola—ka tlhaho motho o tla icheba kahare a italime le mesebetsi ea hae. Borapeli bo e ka ba bo tletseng boichebo ka ho fetisisa, e leng ntho ea ho qetela eo mang kapa amng a e hlokanang. Ho fapaneng, haeba motho a utloisisa litaba tse monate tsa hore ho beoa ea lokileng ke mpho e tsoang ho Molimo, eo re se nang makhabane a eona e sa re lokelang, ho ka ba bonolo ha ka kang ho motho eo ho retelehela ho lerato la Molimo le mohau oa Hae ho e-na le ho eena? ‘Me qetellong, ke mang ea ka tsebang ho bontšahatsa lerato le semelo sa Molimo—ea ichebileng kapa ea shebileng ho Molimo?

Bala Ba-Roma 4:6–8. Pauloseosi o pharalatsa joang moo ka taba ea ho beoa ea lokileng ka tumelo?

“Moetsalibe o lokela ho tla ho Kreste ka tumelo, a itšoaretse ka makhabane a Hae, a behe libe tsa hae holim’a Mojari oa Libe, ‘me a amohela tšoarello. Ke ka lebaka lona lena Kreste a tllileng lefatšeng. Ka mokhoa o joalo, ho loka ha Kreste ho neoa moetsalibe ea bakang ‘me a lumela. O fetoha setho sa lelapa la borena.”—Ellen G. White, *Selected Messages*, buka ea 1, leq. 215. Pauloseosi o tsoela pele, o hlalosa hore pholoho ka tumelo ha e bakeng sa ba-Juda feela empa esita le Balichaba (Ba-Roma 4:9–12). Hantle-ntle, haeba u batla ho teba ka eona, Abrahamana e ne e se mo-Juda; o ne a tsoa lelokong la bahedene (Josh. 24:2). Tlhalohanyo ea Balichaba ho ba-Juda e ne e le sieo mehleng ea hae. Ha Abrahamana a ne a beoa ea lokileng (Gen. 15:6), o ne a bile a sa bolla. Ka mokhoa o joalo, Abrahamana o ila a ba ntat’a ba bollotseng le ba sa bollang, hape ea e-ba mohlala o moholo bakeng sa hore Pauloseosi a ka o sebelisa ho hlakisa taba ea hae ka boakaretsi ba pholoho. Lefu la Kreste le ne le le molemong oa bohle, ho sa natse morabe kapa bochaba (Ba-Heb. 2:9).

Ha u talima boakaretsi ba Sefapano, u talima seo Sefapano se re bolellang sona ka boleng ba motho e mong le e mong, hobaneng khethollo ea merabe, kapa ea bochaba e le ntho e tšabehang? Re ka ithuta ho eelloa khethollo e teng ka hare ho rona joang, ‘me ka mohau oa Molimo re e tlose likelellong tsa rona?

Tšepiso

E bile lilemo tse 500 tse fetileng ka lona tsatsi lena ha Martin Luther a fanyeha Maikutlo a hae a 95 leboteng la kereke ea Wittenberg. Ho thabisa ha kaakang hore litaba tsa kajeno le tsona li fihlela khubung ea pholoho ka tumelo. Ho Ba-Roma 4:13, ho hlalohanngoa “tšepiso” le “molao.” Pauloseosi o batla ho bontša hore motheo oa thuto ea hae ea ho beoa ba lokileng ka tumelo o Testamenteng ea Khale. O fumana mohlala ho Abrahamama, eo ba-Juda bohle ba neng ba mo ananela e le ntat’a bona kamohelo kapa ho beoa ea lokileng ho tšile ho Abrahamama ho le thoko haholo le molao. Molimo o ile a etsetsa Abrahamama tšepiso ea hore e tla ba “mojalefa oa lefatše lohle.” Abrahamama a lumela tšepiso ena; ke hore, o ile a ananela boikarabello bo tsamaeang le eona. Ka lebaka leo Molimo oa mo amohela ‘me oa sebetsa ka eena ho pholosa lefatše. Hona ho sala e le mohlala o matla oa kamoo mohau o neng o sebetsa kateng Testamenteng ea Khale, e leng lebaka leo ntle ho tika-tiko Pauloseosi a o sebelisitseng.

Bala Ba-Roma 4:14–17. Pauloseosi o tsoela pele joang moo ho bontša hore ho pholoso ka tumelo e ne e le khubu ea Testamente ea Khale? Sheba le Ba-Gal. 3:7–9.

Joalo kaha re boletse qalong, ho bohlokoa ho hopola hore na Pauloseosi o ne a ngolla mang. Balumeli bana ba ba-Juda ba ne ba qoetse har’a molao oa Testamente ea Khale, ‘me bongata bo ne bo lumela hore pholoho ea bona e lutse holim’a kamoo ba bolokang molao oo hantle kateng, leha seo e ne e se seo Testamente ea Khale e neng e se ruta. Ha a leka ho phekola kutloisiso ena e fosahetseng, Pauloseosi o hlalosa hore Abrahamama, le pele ho molao oa Sinai, o ile a fumana litšepiso, e seng ka mesebetsi ea molao (e ka be bile thata, ka hore molao—melao eohle le litšebelsetso tsa mahlabelo—e ne e e-so fanoe) empa ka tumelo.

Haeba Pauloseosi mona o bua ka molao oa boitšoarō feela, o bileng teng le pele ho Sinai, taba e lula e ntse e tšoana, mohlomong e tiea le ho feta. O re ho leka ho fumana litšepiso tsa Molimo ka molao, ho etsa tumelo lefeela, ho e hlokisa molemo. Ao ke mantsoe a thata, empa taba ea hae ke hore tumelo ea pholosa, ‘me molao oa ahlola. O leka ho ruta ka ho se thuse hoa ho batla pholoho ka eona ntho e tlo u isa tsuong. Kaofela ha rona, mo-Juda le Molichaba, re tlotse molao, ‘me kahona, bohle re hloka ntho e tšoanang le eo Abrahamama a neng a e hloka: ho loka ho pholosang ha Jesu hoo re ho neoang ka tumelo—‘nete eo qetellong e ileng ea lebisa Nchafatsong ea Boprostanta.

Molao le Tumelo

Joalo ka ha re bone maobane, Pauloseosi o bontšitse hore tsela eo Molimo a sebetsaneng le Abrahama ka eona e ne e paka hore pholoho e tla ka tšepiso ea mohau e seng ka molao. Ka hona, haeba ba-Juda ba ne ba batla ho bolokeha, ba ne ba lokela ho tlosa tšepo ea bona mesebetsing ea bona bakeng sa pholoho 'me ba amohele tšepiso ea Abrahama, e phethahalitsoeng ho tlang ha Mesia. Ke taba e tšoanang, hantle-ntle, bakeng sa e mong le e mong, mo-Juda kapa Molichaba, ea nahanang hore mesebetsi ea hae e “molemo” ke eona e hlokehang hore ba eme ba lokile kapele ho Molimo.

“Thuto ea hore motho a ka ipholosa ka mesebetsi ea hae e ne e le motheo oa borapeli bo bong le bo bong ba bohedene. . . . Hohle moo e tšoeroeng batho ha ba na se ba sireletsang khahlanong le sebe.”—Ellen G. White, *The Desire of Ages*, maq. 35, 36. See se bolela'ng? hobaneng maikutlo a hore re ka ipholosa ka mesebetsi ea rona e re siea re le pepeneng ea sebe?

Pauloseosi o ile a hlalosa kamano e teng pakeng tsa molao le tumelo joang ho Ba-Galata? Ba-Gal. 3:21–23.

Haeba ho ne ho e-na le molao o ka fanang ka bophelo, kannete e ne e ka ba molao oa Molimo. Feela, Pauloseosi o re ha ho molao o ka fanang ka bophelo, le oona oa Molimo, hobane bohle ba sitiloe, joale ba tsua ke oona. Empa tšepiso ea tumelo, e senotsong ka botlalo bo fetisang ka Kreste, e lopolla bohle ba lumelang ho tsoa “katlas'a molao”; ke hore, hore ba se ke ba ahloloa le ho imeloa ke ho leka ho fihlela poloka ka oona. Molao o fetoha moroalo ha o hlalisoa kante ho tumelo, kante ho mohau, hobane kante ho tumelo, kante ho mohau, kante ho ho loka ho tlišoang ke tumelo, ho ba katlas'a molao ho bolela ho ba katlas'a moroalo le tsuo ea sebe.

Ho beoa ea lokileng ka tumelo ho khabung ea leeto la hau le Molimo ha kae? Ke hore, u ka etsa eng ho netefatsa hore ha e fifatsoe ke lintlha tse ling tsa 'nete hoo u ka lahleheloang ke thuto ee ea bohlokoa? Haholo hobane, lithuto tseo tse ling molemo oa tsona ke o fe kante ho ee?

Molao le Sebe

Re atisa ho utloa methaka e re Seleaneng se Secha molao o felisitsoe, e be ba tsoela pele ho qotsa litemana tseo ba lumelang hore li lumellana le taba ena. Moelelo oa polelo eo, leha ho le joalo, ha o utloa-utloahale tjena, leha e se e le thuto-molimo ea teng.

Bala 1 Johanne 2:3–6, 3:4, le Ba-Roma 3:20. Litemana tsee li re bolella eng ka kamano ea molao le sebe?

Lilemo tse makholo a seng makae tse fetileng, sengoli sa mo-Irish Jonathan Swift o ile a ngola a re: “Empa na hona le motho ea ka reng haeba mantsoe botahoa, ho hloka botšepahi, leshano, bosholu, a ntšitsoe puong ea Senyese mane le tlotlo-ntoseng ka molao oa Paramente, re ka tsoha bohle letsatsi le latelang re se re etsa lintho ka tekanyo, re tšepahala hape re lokile, re le barati ba ‘nete? Na hoo ke litholoana tse molemo?” —Jonathan Swift, *A Modest Proposal and Other Satires (New York: Prometheus Books, 1995)*, leq. 205. Ka tsela e tšoanang, haeba molao oa Molimo o se o felisitsoe, joale hobaneng ho bua leshano, ho bolaea, le ho utsoa e ntse e le libe, kapa li fosahetse? Haeba molao oa Molimo o se o fetotsoe, le tlhaloso ea sebe e lokela ho fetoha. Kapa haeba molao oa Molimo o tlositsoe, sebe le sona se tlositsoe, ‘me ke mang ea lumelang taba eo? (Sheba le 1 Johanne 1:7–10; Jakobo 1:14, 15.) Testamenteng e Ncha, molao le evangeli ka bobeli lia hlahella. Molao o bontša seo sebe se leng sona; evangeli e supa phekong ea sebe seo, e leng lefu le tsoho ea Jesu. Haeba molao ha o eo, ha ho na sebe, ‘me joale re pholositsoe ho eng? Ke moeelong oa molao feela, le ho tsoela pele tšebetsong ha ona, evangeli e bang le moelelo. Re atisa ho utloa ho thoe Sefapano se felisitse molao. Hoo ke taba e phoqang, hobane Sefapano se bontša hore molao ha u ka ke oa felisoa kapa oa fetoloa. Haeba Molimo ha oa ka oa felisa kapa ho fetola molao pele Krete a e-shoa sefapanong, hobaneng a ka etsa joalo kamorao? Hobaneng a n’a ke ke a felisa molao kamor’a hore motho a etse sebe ‘me ka mokhoa o joalo a pholose motho kotlong ea molao e tlišoang ke tlolo ea molao? Ka tsela eo, Jesu a ka b’a sa shoa. Lefu la Jesu le bontša hore haeba molao o ne o ka felisoa kapa oa fetoloa, ho ka be ho entsoe joalo pele, e seng kamorao ho Sefapano. Ka mokhoa o joalo, ha ho na ntho e bontšang ho tsoela pele tšebetsong hoa molao ho feta lefu la Jesu, lefu le etsahetseng ka lebaka la hore molao o ne o sitoa ho fetoloa. Haeba molao o ne o ka fetoloa ho re fihlela boemong ba rona bo oeleng, na hoo e ne e se na ho ba tharollo ea sebe e molemo ho feta ho e-na le hore Jesu a shoe?

Haeba ho ne ho se na molao o halalelang khahlanong le bofebe, na ketso eo e ne e tla utloisa bohloko hanyane ho feta kamoo e etsang hona joale ho bao e leng liphofu tsa eona? Karabo ea hau e u thusa joang ho utloisisa na hobaneng molao oa Molimo o ntse o le tšebetsong? Boiphihlelo ba hau e bile bo fe ka litholoana tsa ho roba molao oa Molimo?

Mohopolo o Tsoellang:

Bala Ellen G. White, “*Christ the Center of the Message*,” leq. 388, ho *Selected Messages*, buka ea 1; “*The Call of Abraham*,” maq. 125–127; “*The Law and the Covenants*,” maq. 363, 364, ho *Patriarchs and Prophets*; “*The Sermon on the Mount*,” maq. 307, 308; “*Controversy*,” leq. 608; “*‘It Is Finished’*,” maq. 762, 763, ho *The Desire of Ages*. “Ha e le moputso oa ea sebetsang, ha o baloe hore ke mohau, empa ho thoe, ke molato (4:4). Mona Moapostola o hlalosa temana e qotsitsoeng (Gen. 15:4–6) ho thetha le ho paka ka eona hore re beoa ba lokileng ka tumelo e seng ka mesebetsi. Sena o se etsa ka ho qala ka ho hlalosa se boleloang ke mantsoe ana, ‘a ‘malla . . . hore ke ho loka.’ Mantsoe ana a hlalosa hore Molimo o amohela (baetsalibe) ka mohau e seng ka lebaka la mesebetsi ea bona.”—Martin Luther, *Commentary on Baroma*, leq. 82. “Haeba Satane a ka atleha ho khannela motho hore a behe boleng holim’a mesebetsi ea hae hore e be ke mesebetsi ea bokhabane le ho loka, oa tseba hore a ka mo hlola ka litoko tsa hae, ‘me a mo etsa lehlatsipa le phofu ea hae. . . . Tlotsa likosene tsa monyako ka mali a Konyana ea Golgotha, ‘me u tla bolokeha.”—Ellen G. White, *Advent Review and Sabbath Herald*, Loetse 3, 1889.

Lipotso tsa Puisano:

1. Hobaneng ho le bohlokoa ho utloisisa pholoho ka tumelo feela kante ho mesebetsi ea molao? Tsebo eo e ka re sireletsa khahlanong le mefuta e fe ea thetso? Ba lahleheloang ke thuto ee ea Bibe e bohlokoa ba tjametsoe ke likotsi li fe?
2. U ka fana ka mabaka a fe ka ho tsoela pele tšebetsong ha molao oa Molimo, leha re utloisisa hore molao le kutlo ea oona ha se tsona tse re bolokang?
3. Ntlha-kholo e khubung ea Nchafatso ke hore Re pholoso joang? Ke ka litsela li fe re ka buang phatlalatsa ‘me ka nepo ka liphapano tse teng mahareng a Ma-Prostanta le Ma-Catholik tabeng ee ea bohlokoa, feela re sa hlasele mang kapa mang?
4. joalo ka baetsalibe ba beiloeng ba lokileng, re entsoe ba amohetseng ba mohau le molemo o sa re lokelang ho tsoa ho Molimo, eo re mo sitetsoeng. Taba ee e lokela ho ama tsela eo re sebetsang le ba bang ka eona joang? Re tletse mohau le molemo ha kae ho ba re sitetsoeng ‘me ba sa lokeloa ke mohau le molemo oa rona?

